

女科正宗

女科正宗卷二

廬江何 濤松菴

纂著

京兆浦天球鳴虞

崩漏總論

夫血氣之行。外行經絡。內榮臟腑。故衝任二脉爲經血之海。陰陽和平。則經以時下。若心火亢甚。肝腎之相火。挾心火之勢。亦從而相煽。以致肝實而不納血。血脉泛溢。錯經妄行。崩漏不止。甚則化爲白濁白淫。血枯發熱。癆極之症。不可治矣。若一時勞傷。不能約制。忽狀暴下。

爲之崩中。有因喜怒不常。大傷於肝。肝爲血之府。肝傷則不能藏血而致者。有因脾胃氣虛。清氣下陷於膀胱。與相火相合。濕熱相迫而致者。其血必紫黑。腰臍下痛。兩脅急。當大補脾胃。升提血氣。升陽益胃湯主之。有悲思傷胞絡。陽氣內聚。真陰乃虛。不能鎮守。胞絡相火而致者。當養血宣氣。清火安神。用四君子湯加柴梔升麻。若肝經風火沸騰而致者。用奇效四物湯。或加柴梔苓朮。或加味逍遙散。若大失血之後。毋以脉論。當用獨參湯救之。若潮熱咳嗽脉數。尤當用人參。大抵此症。無不

由脾胃先損。正氣虛。不能統攝所致。須察其胃氣能受補。則尤可救。

愚按經云。陰虛陽搏。謂之崩。又曰。陽絡傷。則血外溢。陰絡傷。則血內溢。又有受熱而赤者。爲陽崩。受冷而白者。爲陰崩。有白者如涕。如絳色。黃者如爛瓜。青者如藍色。黑者如紫色。各爲五崩。又有經血大崩。後令人循衣摸牀。閉目錯語。不省人事者。法宜涼血清火。四君子補中益氣。選用大抵下血之症。日久多以補胃藥收功。以脾胃爲生化之源也。

脉理經云婦人漏血下赤白。日下血數升。脉急數者死。遲者生。婦人漏下赤白不休。脉小虛滑者生。大緊實數者死。又按其寸口脉弦而大。弦則爲緊。大則爲芤。緊則爲寒。芤則爲虛。虛寒相搏。其脉爲牢。又尺寸脉虛浮者。俱不治。

總訣曰婦人何故有崩中。只爲勞傷任與衝。經爲氣虛。無約制。故令暴下。若山崩因寒。因熱。因勞損。帶補兼升。自有功。

升陽益胃湯

方見勞損
崩漏條下

四君子湯

加味逍遙散

方見經
開條下

補中益氣湯

二方俱見
調經條下

崩中漏下

崩者其血暴下。若江河決而崩裂也。漏者下血不以時。常常泄漏者是也。崩爲急症。漏爲緩症。崩有因於氣者。有血熱妄行者。有濕熱相搏者。有汚血阻礙。不得歸經而下者。有因脾胃氣虛下陷者。治宜理氣降火。升提爲主。漏則因房勞過度。傷損衝任二脉。氣虛不能約束。經血。或其人平素多火。血不能安。故爲漏泄也。治宜補陰養氣。養血爲主。

膠艾湯 治婦人陽崩勞傷血氣衝任虛損。月經過多。

淋瀝漏下不止。臍腹疼痛。

阿膠

川芎

地榆

各二兩

艾葉

當歸

各三兩

白芍藥

熟地黃

各四兩

右每服三錢水一盞酒一分煎七分挾服

固經丸 治婦人陰崩衝任虛弱。月水不調。淋瀝不止。

艾葉

醋炒

鹿角霜

阿膠

炒

伏龍肝

黑薑

各等分

分

右為細末。溶鹿角膠和丸。如桐子大。食前淡醋湯下。

五十丸

赤龍丹 治婦人崩漏不止。

禹餘糧煨

鹿茸酒炙

白僵蚕 龍骨

石燕子煨

阿膠

烏賊骨

當歸各等分

右爲末。酒糊丸。如桐子大。每服五十丸。酒下。艾醋湯亦可。

八灰散 治血崩。

蓮房 舊棕 人髮 栢葉 乾薑 艾 荆芥

婦頭各燒灰存性各等分

右爲末。醋丸如桐子大。每服二錢。空心白湯下。如久
不止。用十全大補湯加阿膠水煎服。

一方 治熱崩。

條芩

八兩炒
黑存性

右爲末飯丸。空心米湯下一錢。

虛而挾熱

氣血兩虛。四物湯加參耆。崩不止。小薊湯。荊芥散。如聖
散之類。選而用之。血虛甚者。四物湯加黑姜。崩不止。香
白芷。百草霜。棕櫚灰之屬。腎虛不能鎮相火而崩。涼血

地黃湯。陽盛陰虛。血熱沸溢。黃芩湯。經漏下血。脉虛洪。其血紫黑。此熱極反兼水化制之。故色紫成塊。熱之極也。生地黃散。或四物湯加黃連黃芩黃蘗知母。

小薊湯。治血氣兩虛。內熱太甚。崩中不止。

小薊莖葉汁

一盞

生地黃汁

一盞

白朮

五錢

右入水一盞。煎至半盞。溫服。

荊芥散。治女人崩中不止。

荊芥

一味。於麻油燈上燒灰存性。

右爲末。每服三錢。童便下。

如聖散 治血崩。

棕櫚 一兩煨 存性

烏藥 一兩

乾薑 一兩五錢煨

右為末。每服二錢。烏藥酒調空心服。

生地黃散 治經漏下血。脉洪。血色紫黑成塊。

生地黃 熟地黃 枸杞子 天門冬 去心

地骨皮 去骨 黃連 去毛 各一錢 白芍藥 柴胡 各八分

黃耆 蜜炙 黃芩 各一錢 甘草 七分 下血多加地榆

右水煎空心溫服。

涼血地黃散 治因陰虛不能鎮相火以致崩漏。

生地黄二錢 當歸頭 黃芩炒 山梔 川芎

黃柏鹽水炒 褐色 知母酒炒 柴胡各一錢 黃連炒六分

升麻五分 甘草三分

右水煎空心溫服

黃芩散 治內熱涼血分。

黃芩炒二錢 芍藥炒一錢五分 甘草三分 生地三錢

山梔一錢

右水煎服。

勞損崩漏

因勞損衝任脉虛血非時下。臍腹疼痛。崩中。脉遲。伏龍肝散。先因勞碌脾胃虛損。氣短氣逆。自汗身熱。懶食大便或泄或秘。体倦無力。崩中不止。當歸芍藥湯。勞損氣血。參考當歸帶升提之藥治之。

伏龍肝散 治勞傷氣血衝任脉虛以致崩中不止。

伏龍肝 赤石脂 麥門冬 艾葉 川芎

當歸 各一錢
熟地黃 三錢
甘草 三分
黑薑 五分

右水煎服。

當歸芍藥湯 治崩不止。氣短氣逆。自汗乏力。

當歸身

酒洗

白芍藥

白朮

甘草

陳皮

蒼朮

米泔水浸
晒乾炒

生地黄

黃耆

蜜炙各
一錢

柴胡

五分

熟地黄

二錢

右水煎服

黑金散

治血氣虛損。經候不調。崩中漏下。

鯉魚皮

破故紙

棕櫚皮

亂髮

各一兩

烏賊骨

熟地黄

當歸

洗焙

木賊

各五錢

右剉碎拌勻。入磁瓶內。鹽泥封固。候乾。以炭火煨令

通赤。再取出。研細。每服三錢。入麝香少許。空心米湯

調下。

栢子仁湯 治婦人憂思過度勞傷心經不能藏血遂

致崩中下血。

栢子仁炒 芩薈 當歸 鹿茸火去毛 阿膠炒成珠

茯神去木 丹參各一兩 甘草炙半兩

香附子炒去毛 川續斷一兩五錢

右為末每服四錢水一盞薑三片煎五分空心溫服。

升陽益胃湯 治脾胃虛四肢倦怠不能攝血崩漏不

止。

柴胡 白朮 羌活 獨活 各一錢 當歸 川芎

芍藥 人參 各二錢 半夏 黃連 陳皮

甘草 各一錢 二分 阿膠 血餘 各三錢

右薑棗水煎服。

濕痰崩漏

痰鬱胸中。清氣不升。故經脈阻遏而降下。蓋濁氣盛。鬱過久。卽成濕熱。迫血妄行。若非開痰鬱。不足以行氣。非升提則血不歸隧道。其症或腹滿如孕。或臍腹疼痛。或血出則快。止則煩悶。大法宜開結痰。行滯氣。消汚血。升

清氣為主。用二陳湯加撫芎香附枳殼以漸調理為佳。
如惡心甚。用探吐。吐定服藥亦可。

升麻除濕陽 治漏下惡血由飲食失節水溼所致。

升麻 甘草 炙各三分 半夏 蒼朮 米泔水浸 柴胡

川芎 防風 去芦 茯苓 淡竹葉 各一錢 黑薑 七分

右水煎服 二陳湯 見痰多經閉條下

帶下總論

帶脉者起於季脅廻身一週婦人胃中濁痰鬱久從帶而下故曰帶下氣受傷則白血受傷則赤所以男子遺